



Cuira, ils 8 da mars 2026

Communicaziun a las medias davart la refusaziun da l'iniziativa «200 francs bastan!»

Ina decisiun a favur dal service public e da las quatter linguas svizras

La Lia Rumantscha beneventa che l'iniziativa federala «200 francs bastan!» è vegnida refusada e s'allegra da la clera decisiun dal suveran svizzer a favur d'in service public medial multifar da la SRG SSR.

La decisiun dal suveran cunter l'iniziativa «200 francs bastan!» è per las Rumantschas ed ils Rumantschs da gronda impurtanza. La lingua rumantscha dovra ina preschientscha mediala per restar visibla en tut la Svizra. Be in ferm service public ed ina rapportaziun regulara da Radiotelevision Svizra Rumantscha en las regiuns garantescha questa preschientscha.

La decisiun è medemamain impurtanta per la coesiun svizra, per la chapientscha vicendaivla tranter las parts dal pajais sco per la piazza da medias svizra. Da quai profita per finir l'entira populaziun.

Sfidas futuras

Era sche las votantas ed ils votants han refusà l'iniziativa, stat la SRG SRR pervia da las mesiras gia concludidas davant gronds sforzs da spargnar. Quels pretendan dentant reducziuns tar il service public. Grazia a la taxa da Serafe da 335 francs ad onn – ella vegn reducida pass per pass sin 300 francs fin il 2029 – è il service public medial multifar da la SRG SSR tuttina garantì.

***Markus Solinger, secretari general da la Lia Rumantscha:** «Il NA a l'iniziativa obligescha la SRG SSR da restar preschenta en las regiuns e da porscher ina rapportaziun d'auta qualitat en tut las quatter linguas svizras.»*

La Lia Rumantscha s'engascha vinavant per garantir la diversitad linguistica ed il provediment da basa en tut las linguas svizras a moda persistenta.

Persunas da contact

Markus Solinger, secretari general Lia Rumantscha, markus.solinger@rumantsch.ch, 079 199 35 85

Marcus Albin, comunicaziun Lia Rumantscha, marcus.albin@rumantsch.ch, 078 843 72 32